



Broj: 01-37-21438/16
Zenica, 30.12.2016. godine

- **VLADA ZENIČKO-DOBOJSKOG KANTONA-n/r sekretara**
- **ZAKONODAVNO-PRAVNA KOMISIJA SKUPŠTINE-n/r predsjedavajućeg**

PREDMET: Inicijativa za pripremu i donošenje Odluke o osnivanju Fonda solidarnosti za sufinansiranje troškova liječenja građana Zeničko-dobojskog kantona koji su prinuđeni liječenje nastaviti izvan države Bosne i Hercegovine - dostavlja se,

Midhat Delić, poslanik u Skupštini Zeničko-dobojskog kantona, podnio je na 35. sjednici Skupštine Zeničko-dobojskog kantona održanoj **23.12.2016. godine**, u okviru predtačke dvenog reda: „Postavljanje poslaničkih pitanja i pokretanje inicijativa“, a shodno članu 111. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) **Inicijativu za pripremu i donošenje Odluke o osnivanju Fonda solidarnosti koji bi bio namijenjen za sufinansiranje troškova liječenja građana Zeničko-dobojskog kantona koji su prinuđeni liječenje nastaviti izvan države Bosne i Hercegovine.**

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona u prilogu vam dostavljamo na mišljenje predmetnu inicijativu o kojoj ste se dužni izjasniti u roku od **30 dana**, radi daljeg postupanja Skupštine po istoj u skladu s Poslovnikom Skupštine.

S poštovanjem!

SEKRETAR
Ibrahim Avdagić

PRILOZI: dio transkripta sa 35. sjednice Skupštine u kome je sadržana inicijativa poslanika Delića i inicijativa predata u pisanoj formi

Dostavljeno:

- 1x Naslovu
- 1x Ministarstvu zdravstva ZDK
- 1x Svim poslanicima Skupštine
- 1x U spis predmeta -03 "R"

MIDHAT DELIĆ

..... Ja sam se javio da podnesem jednu inicijativu koju upućujem prema Vladi Zeničko-dobojskog kantona, odnosno prema Skupštini Kantona, a ona bi se sastojala u sljedećem: da Vlada Zeničko-dobojskog kantona pripremi, a Skupština donese odgovarajuću odluku o osnivanju nekog fonda solidarnosti ...

..... dakle, još jedanput upućujem inicijativu prema Vladi Zeničko-dobojskog kantona, odnosno da pripremi odluku o osnivanju Fonda solidarnosti koji bi bio namjenjen za sufinansiranje troškova liječenja građana Zeničko-dobojskog kantona koji su prinuđeni liječenje nastaviti izvan države Bosne i Hercegovine.

Ovom odlukom bi se također Vlada obavezala da za sve naredne budžetske godine predvidi posebnu stavku u budžetu u nekom minimalnom iznosu od 0,1 ili 0,2% budžeta koja bi bila namjenjena za taj fond. Istovremeno, predlažem da se u sklopu te odluke donese i odgovarajuća preporuka ili neki drugi akt kojim bi bilo sugerisano svim općinama na području Zeničko-dobojskog kantona da ugrade istu ili sličnu stavku i u svoje godišnje budžete.

Kratko obrazloženje.

Pretpostavljam da ste svi uspjeli na bilo koji način da saznate ono nedavno što se desilo u Kaknju, riječ je o gestu načelnika općine Kakanj, dakle, koji je sredstva namjenjena za obilježavanje dočeka Nove godine usmjerio za liječenje jednog malog dječaka koji je teško obolio. Takva gesta je naišla na nepodijeljenu podršku svih građana Bosne i Hercegovine. Pa na tragu takve jedne geste, mislim da je obaveza i Kantona i općina i svih drugih nivoa vlasti da vodi brigu o svojim građanima, a naročito kada je u pitanju najvažniji segment života građana, a to je zdravlje. Možda još važnije od svega toga jeste neki osjećaj osobe koja je prinuđena da se bori za svoje zdravlje, a nekada i za goli život da vidi da u toj cijeloj svojoj muc i nevolji nije sama i da neko kao što je Kanton odnosno općina brine za njih i želi im pomoći.

Ujedno koristim priliku da vas sve podsjetim na jednu poznatu filozofsku misao koja kaže otprilike ovako: „Ko hoće nađe način, a ko neće nađe razlog“.

Ja pozivam i poslanike Skupštine i Vladu i sve zainteresovane da budu od onih koji traže način, a ne od onih koji traže razlog. Hvala.

Poslanik Demokratske fronte
u Skupštini Zeničko-dobojskog kantona
Midhat Delić



Na osnovu člana 111. Poslovnika Skupštine Zeničko-dobojskog kantona-novi prečišćeni tekst („Službene novine Zeničko-dobojskog kantona“, broj 4/12), Skupštini Zeničko-dobojskog kantona podnosim sljedeću

INICIJATIVU

1. Da Skupština Zeničko-dobojskog kantona donese odgovarajuću Odluku o osnivanju Fonda solidarnosti koji bi bio namijenjen za sufinansiranje troškova liječenja građana ZDK koji su prinuđeni liječenje nastaviti izvan države BiH. Tom Odlukom bi obavezala Vladu kantona da za sve naredne budžetske godine predvidi posebnu stavku u budžetu u minimalnom iznosu od 0,1 ili 0,2% budžeta, koja bi bila namijenjena za taj Fond.

2. Da se donese odgovarajuća Preporuka (ili neki drugi akt) kojim bi bilo sugerisano svim Općinama na području ZDK da ugrade istu ili sličnu stavku i u svoje godišnje budžete.

OBRAZLOŽENJE:

Svjedoci smo, svakodnevno, sve češćih i raznovrsnijih humanitarnih akcija kojima se u godinama poslije rata pokušava pomoći osobama svih starosnih dobi, koje nadu u ozdravljenje ili spas života pokušavaju pronaći u klinikama i bolnicama izvan granica BiH.

Mnoge od tih osoba su zahvaljujući uglavnom darežljivosti dobrih ljudi, različitih udruženja ili pomoći pojedinih privrednih kolektiva uspjele dobiti životnu bitku. Sa kakvim problemima i mukama su se susretali znaju samo oni i članovi njihovih porodica. Mnogi, na žalost, nisu uspjeli u tome jer je prikupljena pomoć ili zakasnila, ili bila nedostatna da pokrije te troškove.

Obaveza je i kantona i općine i svih drugih nivoa vlasti da vodi brigu o svojim građanima a naročito kada je u pitanju najvažniji segment života građana- to jest zdravlje. A u svemu tome je možda važniji osjećaj da u svoj toj mucu nisu sami i da neko brine za njih i želi im pomoći.

Molim zastupnike i članove Vlade da se ne ogluše o ovu inicijativu jer niko od nas nije siguran da će možda baš njemu već sutra zatrebati takva vrsta pomoći. Podsjećam vas sve na onu filozofsku misao da: „Ko hoće nađe način a ko neće nađe razlog“. Sve vas molim da budemo oni koji traže NAČIN a ne RAZLOG.

Zenica, 23. decembar, 2016. godine

Midhat Delić

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva zdravstva Zeničko-dobojskog kantona, na 88. sjednici, održanoj 23.02.2017. godine, d o n o s i

ZAKLJUČAK

I

Prihvata se mišljenje Ministarstva zdravstva, po inicijativi poslanika Midhata Delića, od 23.12.2016. godine, kojim je inicirana priprema i donošenje Odluke o osnivanju Fonda solidarnosti za sufinansiranje troškova liječenja građana Zeničko-dobojskog kantona, koji su prinuđeni liječenje nastaviti izvan Bosne i Hercegovine, koje je sastavni dio ovog Zaključka.

II

Zaključak sa Mišljenjem Ministarstva zdravstva broj: 11-37-21438-2/16 od 15.02.2017. godine, upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/17.

Datum, 23.02.2017. godine

Zenica

PREMIJER

Miralem Galijašević

DOSTAVLJENO:

1x Skupština Zeničko-dobojskog kantona,

1x Ministarstvo zdravstva,

1x Zavod zdravstvenog osiguranja, putem ministarstva

1x a/a.



Broj: 11-37-21438-2/16
Dana: 15.02.2017. godine

Vlada Zeničko-dobojskog kantona uputila je ovom Ministarstvu inicijativu Midhata Delića, koja je podnesena Skupštini Zeničko-dobojskog kantona 23.12.2016. godine, za pripremu i donošenje Odluke o osnivanju Fonda solidarnosti za sufinansiranje troškova liječenja građana Zeničko-dobojskog kantona, koji su prinuđeni liječenje nastaviti izvan Bosne i Hercegovine, radi davanja mišljenja po navedenoj inicijativi, Ministarstvo zdravstva daje sljedeće:

MIŠLJENJE

Inicijativom poslanika Midhata Delića od 23.12.2016. godine, inicirana je priprema i donošenje Odluke o osnivanju Fonda solidarnosti za sufinansiranje troškova liječenja građana Zeničko-dobojskog kantona, koji su prinuđeni liječenje nastaviti izvan Bosne i Hercegovine.

U Poglavlju III član 2. pod b) i član 3. Ustava Federacije Bosne i Hercegovine, propisana je podjeljena nadležnost federalne vlasti i kantona u oblasti zdravstva, s tim da:

- federalna vlast ima pravo utvrđivati politiku i donositi zakone koji se tiču ove nadležnosti (član III 3. stav 3.),

- kantoni imaju pravo utvrđivati politiku i provoditi zakone (član III 3. stav 4.)

U skladu sa potrebama nadležnosti u oblasti zdravstva ostvaruju se od strane kantona koordinirano od federalne vlasti (član III 3. stav 1.), pri čemu federalna vlast uzima u obzir različite situacije u pojedinim kantonima i potrebu za fleksibilnošću u provođenju (član III 3. stav 3.).

Članom 13. stav 2. Zakona o Zakona o zdravstvenom osiguranju („Sl. novine FBiH“, broj: 30/97, 7/02), 70/08 i 48/11), propisano je: „U cilju ostvarivanja jednakih uvjeta za sprovođenje obaveznog zdravstvenog osiguranja u svim kantonima za određene prioritetne vertikalne programe zdravstvene zaštite od interesa za Federaciju (u daljem tekstu: „prioritetni federalni programi zdravstvene zaštite“) i za pružanje prioritetnih najsloženijih oblika zdravstvene zaštite iz određenih specijalističkih djelatnosti osiguravaju se sredstva federalne solidarnosti kod Zavoda zdravstvenog osiguranja i reosiguranja Federacije Bosne i Hercegovine (u daljem tekstu: „Federalni zavod osiguranja i reosiguranja“) od kojih se obrazuje fond solidarnosti Federacije Bosne i Hercegovine (u daljem tekstu: federalni fond solidarnosti).

Stavom 3. istog člana propisano je da se sredstva federalne solidarnosti osiguravaju iz doprinosa za obavezno zdravstveno osiguranje.

Imajući u vidu navedene ustavne i zakonske odredbe, mišljenja smo da predložena inicijativa nije opravdana, što znači da se ne može zauzeti drugačije mišljenje.

S poštovanjem!

Dostaviti:
1x Naslovu
1x Stručna služba Skupštine Kantona
1x a/a

MINISTAR

Dr. Dragoljub Brenjo